



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### გერცენი ალექსანდრე ივანეს ძე

გერცენი ალექსანდრე ივანეს ძე (ნამდვ. გვარი იაკოვლევი, ფსევდ. ისკანდერი) [25. III (6. IV). 1812, მოსკოვი, -9 (21). I. 1870, პარიზი], რუსი მწერალი, პუბლიცისტი, ფილოსოფოსი, რევ. მოღვაწე.

გ-თან იდეური და პირადი ურთიერთობა აკავშირებდა ბევრ ქართველ მოღვაწეს. 1835-36 რევ. მოღვაწეობისათვის გ. გადასახლებული იყო ვიატკაში, სადაც სასჯელს იხდიდნენ 1832 შეთქმულების მონაწილე დოდაშვილი სოლომონ|ს. დოდაშვილი და ი. მამაცაშვილი. გ-მა, ინახულა მომაკვდავი ს. დოდაშვილი. გ-თან განსაკუთრებით ახლოს იყო ნ. ნიკოლაძე. ისინი ერთმანეთს დაუახლოვდნენ საბღვარგარეთ 1864-65.

გ-ის თხოვნით ნ. ნიკოლაძემ „რიონელის“ ფსევდონიმით გაბ. „კოლოკოლში“ 1865 რამდენიმე სტატია გამოაქვეყნა („გლეხთა განთავისუფლება საქართველოში“, რ-შიც სასტიკად აკრიტიკებდა „ცრუ განთავისუფლების კომედიას“, „ივლისის დღეები თბილისში“ და სხვ.). გ. დიდი პოპულარობით სარგებლობდა ქართველ მოსწავლე ახალგაზრდობაში, რასაც ადასტურებს ა. წერეთლის „ჩემი თავგადასავალი“, ნ. ნიკოლაძის, ი. მანსვეტაშვილის, ს. მგალობლიშვილის, ა. სუმბათაშვილ-იუჟინისა და სხვათა მოგონებები.

გ-მა გარკვეული როლი ითამაშა „თერგდალეულთა“ მსოფლმხედველობის ჩამოყალიბებაში და საერთოდ ქართული საბ. აზრის განვითარებაში. დემოკრ. ჟურნ. „კრებულის“ (1871) პირველსავე ნომერში დაიბეჭდა გ-ის „ექიმ კრუპოვის“ თარგმანი. ვინაიდან ავტორის ხსენება ცენზურის მიერ აკრძალული იყო, თარგმანს აწერია „რუსულიდან“. 1912 ქართ. ჟურნალ-გაზეთები („ცნობის ფურცელი“, „განათლება“, „კოლხიდა“ და სხვ.) ფართოდ გამოეხმაურა გ-ის დაბადების 100 წლისთავს, ხოლო 1914

გაბ. „შრომაში“ ვრცელი წერილი დაიბეჭდა მის ცხოვრებასა და შემოქმედებაზე.

თბზ.: რჩეული ფილოსოფიური თხზულებანი ორ ტომად, ტ. 1, თბ., 1953.

ლიტ.: ი ნ წ კ ი რ ვ ე ლ ი გ., გერცენი-დიდი რუსი მოაზროვნე და რევოლუციური დემოკრატი, თბ., 1962; ლ ე ნ ი ნ ი ვ. ი., გერცენის ხსოვნას, თბ., 1948; ღ უ დ უ შ ა უ რ ი პ., გერცენი და ქართველი საზოგადოებრიობა, თბ., 1962. ს უ რ გ უ ლ ა ძ ე ა., რუსეთის იმპერია XIX საუკუნეში, თბ., 1973.

**ვ. შადური**

---